



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

V. Caini interitus.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

progredetur , *Cainus* aggrediendi sceleris ansam invenisse ratus , elatum altiùs , quod manu gestabat , telum (obvium quodvis , & apportatum domo , ruris instrumentum , ferro præfixum crediderim) in martyris , ac fratris (centesimum , vigesimum nonum tunc annum agentis) cerebrum , mox & in pectus , profundè validèque demittit , itaque geminatis iterum , iterùmque plagis , & disputantem simul , & vitam disputantis claudit . Ac corporis quidem cæsi sanguinem , largo fluentem rivo , & tacito clamore ultricia sidera ferientem , tellus excepit : innoxium autem *Abelis* spiritum , destinata longæ quieti piorum amplexa sedes est subterraneis in locis : ubi corpori plurima post secula reddendus , Christum præstolaretur Liberatorem , ac cælum Innocentiæ suæ præmium . Nobis verò hæc documenta virtus reliquit , permitti malos , ut coronentur boni ; dotem pietatis esse res adversas , & proborum patrimonium , pati .

NAR. V.
CAINI
INTERITUS.

Gen. 4. A. M. & Adami 688, ante Ch. 3365.

Gravissima sunt peccatorum pondera , gravissima criminum verbera : nemo immitùs , quàm suorum scelerum conscientia flagellatur . Commisò *Cainus* fratricidiò , agente conscientia in desperata consilia animum , spe divinæ clemen-

mentiae abjecta, ab obvio quoque ultionem parricidij
 extimescens, hominum fugitabat consortium, &
 latebras quarebat, totius corporis, omniumque
 membrorum tremore, in signum patrati sceleris,
 & vindictam agitatus; ubique pererrans, nusquam
 consistens; quocumque facinoris fama pervenerat,
 eò portavit & poenam; donec contra tot pavores
 propugnaculum erecturus, ut se parricida à talione
 defenderet, & prædator latrocinia tuto reponeret,
 primus omnium molitus est Urbem, quam *Henochiam*
 vocavit, ab *Henoch* filiorum maximo; in quam,
 quidquid ubique scelestum, contaminatumque erat
 vel fuisset, vel parentum insuper moribus, conflu-
 xit. Fortè *Cainus*, jam admodum senex, seculum
 enim agebat vitæ suæ septimum, animi gratiâ in syl-
 vam *Henochiæ* imminentem egressus, inter arbuta
 densa confederat, exæstuantis cœli calores fractu-
 rus. In illud ipsum nemus *Lamechus*, ejus abnepos,
 succinctus canibus, ac familiæ suæ satellitio, ve-
 natum se contulerat. Cùm ecce præter spem, è
 numero scrutantium latebras, adolescentulus qui-
 dam, ad herum gradu suspensò recurrit, & depre-
 hensam sibi feram esse significat, pertractus in eam
 opinionem, ramorum frondiùmque fallaci concus-
 sione. *Lamechus* temerè puero fidem habet, quam
 confirmârat virgultorum agitatio, sagittam, toto
 nervo, viribusque contortam ejaculatur. In quæ
 subsequitò, tanquam oris decrepiti, femineci clamo-
 re, questuque, fit omnium concursatio; primusque
 vulneris auctor *Lamechus* advolat. Dimotus virgul-
 torum septis, pro fera, tritavum, à se Cainum ja-
 culò transfixum aspicit, qui tremulo corpore su-
 spi-

spicionem latentis prædæ injecerat. In rabiem igitur actus infelix jaculator, iracundiam, quam debuerat in præcipitem suam temeritatem aliqua parte detorquere, totam in imprudentiam effuderat adolescentuli. Néve mitior in nepotis (Tubalcaini enim filius erat) quàm in tritavi sui cædem esset, arreptò, quem fors & nemus obtulerat, fuste (sive quis malit, arcu) puerum nequicquam quiritantem, & cœlum attestantem, verberibus atrociter mulctat, vibicibus lividis, à densa contusione, tuberibusque lethiferis oppletum, pro mortuo relinquit, & abit. Neque multò post exanimatus est & hic, funusque Cainæo funeri sociatum, Henochianorum luctum duplicavit: non absque grandi Lamechi, velut bis homicidæ, penes vulgus invidiâ. Hunc igitur vitæ suæ sortitus est exitum, bipedum teterrimus Cainus; cujus viri spiritus impurus, corpore suo violenter expulsus, post Luciferi, sociorumque damnatam audaciam, primus omnium (quod nobis compertum sit) inferos initiavit ignes, arsurus flammarum inextinctò rogò, per omnem æternitatis decursum. Sub hæc tempora Lamechi liberi inclaruerunt, nam *Iabel* construxit tentoria, & vitam pastoritiam adamavit. *Iubal* Mûsicæ operam dedit, & instrumenta sive *flatu*, sive *tactu* resonantia invenit. *Tubalcain* in acuendo, poliendo, malliando ferro artem ostendit. *Noëma* soror lanificium commenta est, & suo præivit sexui, qua in re proferre ingenium deceret foeminam. Horum avus erat Mathusaël, omnium mortalium longævissimus; vixit enim annos nongentos sexagintanovem.

Centum quadraginta annos circa hoc tempus impleverat Abraham, provixitque ad annum usque centesimum septuagesimum quintum, postquam hæredem constituerat Isaacum; filiis autem *Agaris* & *Ceturæ*, quas secundarias uxores habebat, suas quoque possessiones attribuit, sed longius ab Isaaci ditione remotas, tum ne invidiâ ampliorum facultatum, quas Isaaco reliquerat, rixas & jurgia concitaret inter fratres; tam quia Palæstina, hoc est, terra Abrahamæ promissa divinitus, ad solos Isaaci posteros pertinebat; tum, quoniam illi à Deo veritudo discessuri erant, malorum consortio ne afflarentur boni. Sepultus est in spelunca Mambrae, duplicem in cryptam distinctâ, non procul urbe Hebrone, in qua jam antè Saram uxorem condiderat. Vir per omnia magnus: electus à Deo, qui Pater esset Credentium, & populi sancti Patriarcha: cunctarum decus & ornamentum virtutum: quo cum Deus pactum iniit Messiamque promisit ex ejus semine nasciturum.

NAR. VI.
CATACLYSMUS.
SEU DILUVIUM

Orbis terrarum. Gen. 6 7. 8. 9. A. M. 1656.
 Ante Christum. 2397.

Malus, ut dicitur, corvus, malum ovum.
 Ex sceleratissimo Caino impiissima soboles,
 Gigantes nati sunt, qui staturam superbiâ,
 deformitatem impuritate, ferociâ vires adæquan-
 tes,